

漁洋山人精華錄

二



漁洋山人精華錄卷三

門人候官林佶編

古體詩

睢州謁三蘇公祠

祠即故宅今為睢山書院

墓頤山色腴不枯
玻瓈江水如醍醐
眉州城郭劫灰後
水塍漠漠成榛蕪
郵亭下馬詢老卒
蘇公故第城西隅
旋來東帶薦蘋藻
辰良何必煩神巫
往者此地鐵腳亂

順治初有賊據眉號鐵腳蠻

高門大宅皆焚如此祠
歸然誰所作維公大

節驚頑愚雙柏輪
困溜霜雨廷立冠
劒古丈夫長公遺
像龍眠筆馬券
剥落涪翁書

祠有石刻龍眠畫東坡像賴濱贊又坡書王鼻驛券山谷有跋

殘碑

插笏尚林立
紫藤碧蘚纏
龜趺祠西一水最
蕭瑟經霜
菡萏猶扶疎
甘蕉十丈覆
簷雷落花亂
迸紅珊瑚當年

結構不草草要令咫尺成江湖故園如此不歸老與人
家國徒區區瓊儋雷藤歷九死口甘熏鼠隨猿狙頭網
八餅有何意枕榔萬里非吾廬兩公神靈未磨滅應翳
白鳳遊清都遊戲下界亦聊爾鯢鵬豈必捨枋榆眉州
玻瓈天馬駒

陸務觀詩句玻瓈春眉州酒名

酹公三酹公歸乎

登高望山絕頂望峨眉三江作歌

四海復四海九州還九州河伯海若更相笑螭蛄何足
知春秋今年辭帝蓬萊宮乘風偶作西南遊中條姑
射不足數失喜太華揚高旒河潼遠圻巨靈跼鉤梯百
丈臨龍湫終南太白幻雲物秦棧詰曲哀猿愁錦城小
住五十日岷山秀色垂簾鉤青城玉壘尻首接灌口屈

注雙江流興極欲蹋大峨脊卻騎瘦馬來龍游嘉州罨
西枕江上孤峯縹緲東南浮神霄玉清有遺跡登臨可
以消煩憂蹋泥盤盤到絕頂江山披豁開雙眸峯巒八
面簇金碧下瞰江海如浮漚八十四盤在衣帶氣凌五
嶽驕公侯暮雲早雪忽明滅兜羅綿現無時休岷江從
東來奔騰迴萬牛沫水滙青衣簸蕩千斛舟三江九峯
倏然合丹崖翠嶂窮雕鏤江山奇麗冠天下何意絕景
來蠻貊天風蓬勃日西墜搔首欲去仍淹留荆吳萬里
自茲始來朝起施尋巴丘

叙州流盃池瀘州使君巖皆山谷先生舊遊都不

及訪悵然賦此

憶昨登凌雲江邊蹋亂石興劇罷鞍馬逍遙散輕策徑
危草露多處處見虎跡東林雨新霽初日射青壁浩蕩
三江流安穩平如席西笑揖峨眉遙連雪山白酒酣掛
帆去矯若生羽翮心知流盃池遺跡在巴徠俗物敗人
意交臂輕一擲今日使君巖南望還咫尺通詞託微波
蹇修空脉脉平生一瓣香敢為涪翁惜如何萬里遊虛
此幾兩屐回首望南雲蠻江日將夕

西涼神祠曲

在合江縣荷堅時呂光討李焉之亂至此土人祠之陸務觀謁祠詩我雖不識神知是山水人不敢持笏來桓獨整

幅巾似未詳本末賦詩正之

長安氏王頭有角東掃鄴宮西定蜀西域校尉婆樓兒
勒銘直到岷山腹功成振旅咸陽中萬里玉門旌旆紅

三十六國拜都護酒酣作賦龜茲宮甲乙讖成符氏滅
魚羊食人日流血黑龍晝起姑臧城坐制三河亦人傑
少岷山下岷江流西涼廟貌凌高秋山頭龍出作雲雨
神靈襍沓風颼颼烟消雨散渺何許靈欲歸子憺容與
船旗獵獵西北斜落日陰房竄蒼鼠

岑公洞

岑公昔學道遺跡空山中洞門界飛流白日生雷風石
髓無古今鍾乳盡玲瓏巖泉日穿穴點滴成窪窪中央
若累棋狡獪造化功頽竈倚青壁中夜丹砂紅暎彼遺
世翁於今悟參同壁間題字人歲月何匆匆巨碑亦笏
立文詞覓豪雄中間岑襄州頗擅語句工豈其南陽裔

源流故難窮此洞與魯池望望江流通昔是仙靈宅今

為豺虎叢太息下山麓風健孤帆東

元符間岑巖起象求虛鑒真人贊一碑李廌文叔所書

岑洞魯池今皆為侯家所有

登蝦蟇碕

黃牛打鼓朝發船碧波白鳥爭清妍迴首名山大川閣
鳥尾已據西陵煙三峽欲盡尚迤邐云十二碕紛鈎連
頗聞中有第四泉康王谷水差隨肩峽窮碕轉詫奇事
忽見飛瀑流琤潺爬沙終古此巖側青冥無路誰夤緣
江風吹笠冷毛髮峽雲挾雨鳴船舷大索瓶甕貯飛雪
旋去屐齒窮危巔橫斜拾級一徑上藤梢橘刺相糾纏
鉅炮槎牙澀苔蘚清泉百道爭涓涓陰洞終古閤白日

神漢噴薄鍾乳堅石壁麤惡艱礧錯題名豈辨唐宋年

永叔涪翁詩不減誰為好事重鎚鐫名山蒙頂壓顧渚

蒙山茶出蜀名山縣春芽開裏勞烹煎山谷詩已人漫說蝦蟆碚試裏春芽來就煎下巖轉舵未

忍去下牢關外斜陽懸昌黎詩爬沙脚手鈍誰使汝解鱖青冥

欲訪三遊洞不果

舟下十二碕西陵遙在目江雲峽口多碕轉猶千曲悵
望三遊洞靈異非一族石鐘卧蒼蘚唐碣迷深竹緬懷
長慶人一往遂不復斜日下牢谿依依為誰綠

潁亭

青山圍潁亭下有清潁流石瀨何淺淺力始勝方舟金
沙映素篠策策千萬頭斜日照冰雪微風矯輕鷗側身

望終古企彼巢與由糠粃鑄堯舜心與造物遊不逢掛
瓢人北指軒轅丘

廣武山

朝登廣武山四望古戰場黃河決潁流寒日無晶光孤
獸索其群驚鳥亂無行平沙轉飛藿白骨堆嚴霜昔者
英雄人於此分霸王強弱理無恒得失爭教倉名騅蹶
陰陵萬乘入咸陽東指芒碭雲五色成龍章大風沛上
來遊子悲故鄉

新鄉望蘇門山懷孫鍾元先生

朝來衛河上遙見蘇門山蒼翠襍諸嶺清涼分百泉緬
懷松舟趣長詠竹竿篇及茲限跬步擊汰失寅緣遙憶

嘯臺翁山中方晏眠兒孫繞膝下洞壑當門前茶臼隱
修竹蓮舟隨稻田少年任豪俠白首此終焉無由逐高
鳥矯翮青冥邊

徐五元自號嵇菴

我慕阮步兵君學嵇中散平生竹林期鳬鶴誰長短君
抱出世姿夙昔薄軒冕彈琴聊自足採藥忽忘返且復
龍性馴兼之養生善嗟哉雋傷道斯語君知免獨應七
不堪彷彿嵇生懶我本澹蕩人早歲頗任誕一聞如鸞
鳴自顧為人淺廿年嬰世經歲月坐晚晚往往逢途窮
痛哭迴車阪深慙至慎言薄俗誰青眼永懷素心侶詎
異平生擬空傳周僕射遠欲希嵇阮

江正鹿角膠墨

梅淵公所寄

深山五月中鹿角暖初蛻取作黃明膠良工妙調劑黃
海松萬株壽者幾千歲古屋收輕烟萬杵功不細易水
渺已遠潘張復誰繼歙州有江正妙絕擅斯製故人鹿
裘翁愛我一丸惠老無隄廩賜研田蕪不難晴窗手摩
挲風日忽開霽袖中官奴帖飛動苦難逮牙滑剡溪藤
熟視空睥睨啜汁亦復佳為君掃文字

戴嵩牛圖

一川莎草烟濛濛曉來雨過開牛宮三尺短簷兩轂觶
午陰掉尾嬉涼風一頭摩角一頭齧寢訛有態何其工
江干笛材老烟竹橫吹髣髴穿林叢綃素慘澹神理在

是耶非耶傳戴嵩田家風物宛在眼但有耕作亡兵戎
我行峨下踰萬里青衣江上平羌東翠藤紅樹亂烟雨
風景略與圖中同一從羽書急滇海甌粵秦楚交傳烽
益部迢遙隔天末舊遊有夢尋已實旄牛徼外阻王會
萬蹄驕馬高纏駿千村萬落長荆棘何時金甲銷春農
童牛不牯可三歎卷圖風雨來長松

用東坡先生清虛堂韻送黃無菴僉事歸甘肅兼
寄許天玉

金城烽火連瓜沙榆林盜賊趨彭衙三秦昨夜捷書至
關門百丈開蓮花甌閩格鬪尚未已天南望斷今無家
登隴嘶羣怯班馬及關接翅隨昏鴉甘州官舍辛少事

譯經徃徃紛天葩河西番帳盡外徙何妨羊酪煎春茶
許生潦倒作秦贅岑牟單絞漁陽搥竹林諸賢久雨散
我亦蟻蝨勞搔爬何時九州絕豺虎吾徒一笑忘咨嗟
小戎賦罷意慷慨瓦亭西北紛虹霞

二君俱閩人黃精禪理

同李湘北陳子端二學士葉子吉侍讀登慈仁寺

閣再用清虛堂韻

化人闕世恒河沙老松攫地龍衙衙盤空閣道下無地
妙香似有陀羅花吾衰作客不稱意每逢望遠疑還家
三關寥落數行雁雙闕霏微千點鴉翰林三君負公望
高文大冊流滂葩惜我旅病色枯稿頭綱屢許分宮茶
兵車鱗鱗指荆楚門外蕭蕭多馬樞從來決勝在廊廟

詎有羣盜煩梳爬書生手無五尺簪中宵倚柱徒咨嗟
罪言欲吐更指口遙山雨脚低殘霞

通州水月菴三用清虛堂韻

鳬翁三五嬉晴沙殘僧閉關如退衙黃蘆苦竹隱缺岸
水蕒徃徃飄殘花濠濮會心豈在遠便可泛宅仍浮家
水關上接鮑丘水伯珪戰地啼寒鴉卓老一杯沒荊棘
誰憐文采兼竒葩古人於此兩寂寞高枕且聽風鑪茶
漕河如林萬檣立負城時送迴颿撾彷彿扁舟落吾手
背癢欲倩鳥爪爬病鶴觸籠翅翎短老隨雞鶩吁可嗟
安得十洲縱汗漫排空一氣凌雲霞

與曹升六舍人食蟬

海上有蠙蚌力可制於菟縱橫凌風潮一殼能專車失
勢稻芒候八跪充庖廚津門連渤海珍錯首蟹胥誰遣
三十輩束縛就寒蒲磊落堆盤中香味宜葵菹易酒碧
玉色無錢亦須沽與君對持螯風味思江湖野人厭藜
苋腸饑鳴轆轤今朝食拍動襟袖霑膏腴酒船數帆健
絕勝三日酺寄謝虞嘯父未須誇鱸魚

和沈石田鈎弋夫人歌

過河間作

漢宮窈窕千蛾睂春華未謝秋風吹落葉哀蟬明怨惜
復道佳人葬桐柏一朝望氣來河間玉鈎乍啓迴天顏
朝侍宸遊陪豹尾暮歸別館幸甘泉容華未老君恩歇
西弄迴頭成決絕雲陽南去女陵南怨粉零香水嗚咽

漢家竟說貳師功
衛霍勲名甲第同
青史祇今憐趙父
茂陵烟草亦連空

五君詠

劉考功公弇

劉生慕節俠杜陵
一男子從軍驃騎幕
長嘯蘇門裏萬
金輕鴻毛妻子如脫履
少日魯朱家為官偶然耳

施少參尚白

宛陵實盛德卓犖為真儒
馳情慕周孔抗志希黃虞
作為一家言頗綜七畧書
從政三十載屢空方晏如

汪戶部茗文

左司固簡傲狂狷乃其真
邈然望終古豈顧世上人
軒

冕詎足貴雲壑心所親著書洞庭上寥寥誰問津

梁侍御曰緝

陽夏善閉關性不因人熱偶然騎驄馬非意固不屑一
歸嵩陽寺邈與世相絕作佛固未能蕭然自禪悅

董侍御玉虬

易農不羈士爽朗多所遺脫略梁竇勢放浪班馬詞一
迴秦州駕高卧荆谿湄文園自消渴猶聘茂陵姬

雪中送酒與東癡二首

清晨起盥漱開戶聞騷屑風微竹烟淡雪重松枝折餅
水寒屢凝鑪香散還結忽念東臯子孤懷抱冰雪

東臯未三里潢水凡幾曲風雪掩荒蹊往來斷樵牧先